

ՆԱԽԻՋԵՎԱՆԻ ԵՐԿՐԱՄԱՍԻ ԴԱՐՄԿԱՍՏԱՆԻ ՎԱՐՉԱԿԱՆ
ԲԱԺԱՆՈՒՄՆԵՐԻ ՀԱՄԱԿԱՐԳՈՒՄ (XVI-XVIII դդ.)

Նախիջևանի երկրամասի՝ վարչական բաժանման վերաբերյալ արժեքավոր գրավոր աղբյուրները Մատենադարանի պարսկերեն վավերագրերն են։ Այս բացառիկ փաստաթղթերի՝ մեր կողմից արված քննությունը ցույց է տալիս, որ խնդրո առարկա վարչամիավորը XVI-XVIII դդ. ավելի մեծ տարածք է ունեցել, քան «Աշխարհացոյց»-յան Նախճավան գավառը։ Այն ընդգրկում էր Մեծ Հայքի Վասպուրական նահանգի Նախճավան և Գողթն, Սյունիքի՝ Վաթոց ձոր, Ճաեռուկ, Երնջակ ու Օղուկ գավառները։

Էլզանության օրոք կազմավորված Թուման-ե Նախիջևան վարչական միավորը, որ XVդ. թուրքմենական քոչվոր ցեղերի տիրապետության ընթացքում, դարձավ Հայաստանի վարչաքաղաքական կենտրոն, XVI դ. կեսերին կորցրեց իր ազդեցությունն ու մտավ Ատրպատականի վիլայեթի մեջ¹։ Այն ենթարկվում էր Թավրիզում նստող Ատրպատականի կառավարչին՝ ամիր-ուլ-ումարային (իշխանաց իշխան)²։ Վարչական այս համակարգը պահպանվեց մինչև 1736 թ., երբ Նադիր շահի (1736-1747 թթ.) հրամանով Ատրպատականի վիլայեթի կազմում ձևավորվեց Նախիջևանի խանությունը³։

Նորաստեղծ Թուման-ե Նախիջևանը ևս ընդգրկում էր Մեծ Հայքի Վասպուրական նահանգի Նախճավան և Գողթն, Սյունիքի՝ Վաթոց ձոր, Ճաեռուկ, Երնջակ ու Օղուկ գավառները։ Այն հյուսիս-արևմուտքից սահմանակից էր Երևանի վիլայեթին, արևելքից՝ Ղափանաթի օրոտին (գավառ)։ Երկրամասի բնական սահմաններն անցնում էին արևմուտքում՝ Արփա գետով, հյուսիսում՝ Վարդենիսի լեռնաշղթայով, արևելքում՝ Սյունյաց լեռնաշղթայով, հարավում՝ Արաքս գետի երկա-

¹ Դարսկական պաշտոնական փաստաթղթերում **مولان** թուման, **اقبالو** երկրամաս, **استان** վիլայեթ անվանումները զուգահեռ օգտագործվում էին (տե՛ս Մատենադարան, Կաթողիկոսական դիվան թղթ. N 16 վավ. N 678, 679, 688: Тбилисская коллекция персидских фирманов, т. II, составители М. А. Тодуа, И. К. Шамс, Тбилиси, 1989, с. 92-93, 100-105, 110.):

² Արևելյան Հայաստանի վարչական բաժանումը սեֆյանների օրոք կատարված էր ըստ վիլայեթների։ Վարչական բաժանման այս համակարգն սկիզբ էր առնում դեռ Էլզանության շրջանից և համապատասխանում էր թումաններին։ Վիլայեթները բաժանվում էին ավելի փոքր վարչական միավորների՝ նահիաների, մահալների ու կառավարվում էին հաքիմների, նայիրների և բեկլարբեկիների կողմից։ Մակայն առանձին մեծ կամ փոքր շրջանները օլթայի (բառացի՝ եղանակում է՝ «երկիր»՝ սեփականության մի ձև, որի ժամանակ հողը որպես ափսոս տրվում էր քոչվոր ցեղի առաջնորդին և բարձրաստիճանի զինվորականությանը՝ ամիրներին) ժառանգական տիրույթի իրավունքով հանձնվում էին քոչվոր ցեղերի առաջնորդներին, որի դիմաց նրանք սեֆյան շահերի առաջ որոշակի պարտավորություններ էին ստանձնում։ Այդպիսի ժառանգական տիրույթներ էին Նախիջևանի երկրամասը և Միսականի օլթան, առաջինի կառավարումը հանձնված էր քեեգերուներին, իսկ երկրորդինը՝ ուրդակլուների գեղայնաբի ներկայացուցիչներին (տե՛ս Tadhkirat al-muluk, a manual of safavid administration, by V. Minorosky, London, 1943, pp. 99-104):

³ Մատենադարանի պարսկերեն վավերագրեր, պրակ I (ԺԴ-ԺԶ դդ.), կազմեց՝

Հ. Փափազյանը, Եր., 1968, էջ 96:

⁴ Մատենադարանի պարսկերեն վավերագրեր, հ. Ա, (ԺԴ-ԺԶ դդ.), կազմեց՝ Հ. Փափազյանը, Եր., 1956, էջ 97:

⁵ Մատենադարան, Կաթողիկոսական դիվան թղթ. N 1գ, վավ. 363:

բուրժուազիայի և Շահապուրների, որոնց գլխավոր քաղաքներն էին Օրդուբադը ու Նախիջևանը⁵։ Այս երկու շրջաններն էին Նախիջևանի մասերը⁶։ Այս երկու շրջաններն իրենց հերթին տրոհվում էին մահալների, Ջուղան⁷ Ագաու-Ջիրանի ու Դարաշամբի, Շահապուրների, Դարալագյազի մահալի ու Միսա-Ագաու-Ջիրանի ու Դարաշամբի, Շահապուրների տարածվում էր Գեղան գետի ավազանում⁸ և Երևանի օլթայի⁹։ Ագաու-Ջիրանի մահալը տարածվում էր Գեղան գետի ավազանում, ընդգրկելով Մեծ Հայքի Վասպուրականն ու Սյունիք նահանգների Գողթն և Երեջակ գավառները, արևելքում սահմանակցում էր Սյունյաց (Ջանգեզուրի) լեռնաշղթային։ Սրան արևմուտքից սահմանակից էր Դարաշամբի մահալը, որից բաժանվում էր Երեջակ գետով, ընդգրկում էր Վասպուրականի՝ Նախճավան ու Սյունիքի Ճահուկ գավառներն։ Դարաշամբի մահալը փոխված էր Նախիջևան գետի ավազանում։ Այն արևելքից սահմանակից էր Երեջակ գետին, հյուսիսից՝ Վայոց ձոր լեռներին, արևմուտքից՝ Արփա գետին, հարավային սահմանը հասնում էր մինչև Արաքս գետ։ Սյունիքի Վայոց ձոր գավառի (Արփա գետի և նրա վտակ Եղեգիսի վերին հոսանք Շ.Փ.) տարածքին էր համապատասխանում Դարալագյազի մահալը։ Սյունիքի Օղուկ գավառի տարածքին էր համընկնում Միսականի օլթան⁶, որը տարածվում էր Որոտան գետի միջին հոսանքում։ Չնայած Միսականի օլթան վարչականորեն մտնում էր Թուրան-ե Նախիջևանի կազմի մեջ, սակայն նրա կառավարիչները ենթարկվում էին ոչ թե Նախիջևանի հաքիմին, այլ անմիջականորեն Ասրպատականի իշխանաց-իշխանին⁹։ Որպես Մեֆյան Պարսկաստանի վարչական միավորներ, վերոհիշյալ մահալները ձևավորվել են XV դ.՝ թուրքմենական ցեղերի կառավարման տարիներին, իսկ Միսականի օլթան XVI դ. կեսերին՝ արդեն Մեֆյանների օրոք¹⁰։ Միսականի օլթան համաձայն շահ Աբբաս I-ի (1587-1629թթ.) արքունական պատմագիր Բաքանդար Սունջիի 1628թ. էմիրների ցուցակի, կառավարում էր Հասան սուլթան ուրդակլու հաքիմի կողմից, որը թուրքմեն ցեղից էր¹¹։

Նախիջևանի երկրամասի վարչական կենտրոնը և գլխավոր քաղաքը Նախիջևանն էր։ Այստեղ էր կենտրոնացված գլխավոր վարչական ապարատը, արքեպիսկոպոսն ու առևտուրը։ Նախիջևան քաղաքից բացի, երկրամասում առևտրա-արքեպիսկոպոսական խոշոր կենտրոններ էին հայաշատ Ագուլիս, Ջուղա և Օրդուբադ քաղաքները։ Մահալների կառավարիչները կոչվում էին բեկլարբեկիներ և նշանակվում էին երկրամասի կառավարչի կողմից։ Բեկլարբեկիների պարտականությունն էր հետևել իրենց իշխանությանը հանձնված մահալներում տուրքերի նշանակման ու գանձման գործընթացին, լուծել բնակչության միջև ծագած վեճերը, ի կատար ածել դատարանի վճիռներն ու որոշումները¹²։

Մեֆյանների վարչական գլխավոր հենարանը թուրքալեզու՝ շամլու, ռումլու, ուստաջլու, թեքելու, աֆշար, կաջար և գուլքադար քոչվոր ցեղերն էին։ Այդ ցե-

⁵ Chardin J., *Voyages en Perse, et autres lieux de l'orient*, tom I-III, Amsterdam, 1735, p. 303.

⁶ Relation du voyage d'Adam Olearius en Moscovie, Tartarie, et Perse, tom I, Paris, 1679, p. 362.

⁷ Մատենադարանի պարսկերեն հրավարտակներ, պրակ III, կազմեց՝ Բ. Կոստիկյանը, Եր., 2005, էջ 47, 77։

⁸ Վարչական փոքր շրջան էր, որի մեջ մտնում էին Բնունիս, Թաս, Դարաքիլիսա, Դաստաջերդ և Գյուլյազի գյուղերը (տե՛ս Մատենադարանի պարսկերեն վավերագրեր, հ. Ա, (ԺԴ-ԺԶ դդ.), կազմեց՝ Հ. Փափազյանը, Եր., 1956, էջ 64)։

⁹ Մատենադարան, Կաթողիկոսական դիվան, թղթ. N 1ա, վավ. 99։

¹⁰ Նույն տեղում, թղթ. N 1ա վավ. 11։

¹¹ Искандер М., *Тарих-и Алама-и Аббаси*, М., 1963, с. 80.

¹² Մատենադարանի պարսկերեն հրավարտակներ, պրակ III, կազմեց՝ Բ. Կոստիկյանը, Եր., 2005, էջ 76։

դերի մի մասը փոքրասիական ծագում ուներ, մյուս մասը միջինասիական¹³։ Կզլբաշ ցեղերը Արևելյան Հայաստանում ժառանգական տիրույթներ՝ օլջա, ստացան և իրենց հորդաներով բնակություն հաստատեցին հիմնականում սահմանամերձ շրջաններում։ Ուստաջլուների ցեղախմբին պատկանող՝ քենգերլու ցեղի առաջնորդներից և պարսից արքունիքին հավատարիմ պաշտոնյաներից էին ընտրվում¹⁴ ու կառավարչի (امر), հաքիմի (حاکم), նահանգապետի (معاون فرماندار), կամ սուլթանի (سلطان) տիտղոս կրում Նախիջևանի երկրամասի կառավարիչները և որպես պարսկական պետության պաշտոնյաներ արքունիքից վարձատրություն էին ստանում¹⁵։

Քենգերլուների ցեղախումբը բաժանված էր երկու ճյուղի, մի ճյուղը բնակություն էր հաստատել Խորասանում՝ Նեսիի շրջանում, որպեսզի պաշտպաներ շրջանը թուրքմենների ասպատակություններից, իսկ մյուս ճյուղը բնակություն էր հաստատել Նախիջևանում։ Իսքանդար Սունշիի 1628թ. կազմած էմիրների ցուցակից պարզվում է, որ Սաքսուղ սուլթանը ոչ միայն Նախիջևանի, այլև Խորասանի քենգերլուների առաջնորդն էր, որի պատճառով էլ աղբյուրներում միաժամանակ նշվում է թե՛ որպես խորասանյան հաքիմ, թե՛ որպես Նախիջևանի հաքիմ¹⁶։

Փաստորեն, քենգերլուները մշտական բնակության վայր չունեին և քոչվորներ էին, որոնք Արևելյան Հայաստանում՝ պարսկական տիրապետության վերջնականապես հաստատվելուց հետո տեղավորվեցին Նախիջևանում ու ստանձնեցին երկրամասի կառավարումը։

Վերը նշվածից պարզվում է, որ Նախիջևանի երկրամասը XVI դ. կեսերին օլջայի իրավունքով հանձնվում էր քենգերլուներին¹⁷։ Այս իրողությանը պետք է մոտենալ որոշակի վերապահումով, քանի որ մի շարք դեպքերում, պարսից շահերը Նախիջևանի երկրամասի կառավարումը՝ ժառանգական տիրույթի իրավունքով կարող էին հանձնել նաև մեկ այլ ցեղի առաջնորդի։ Մասնավորապես, Շահ Իսմայիլ II կառավարման շրջանում՝ 1576-1578 թթ. Նախիջևանի կառավարիչն էր ազգությամբ քուրդ Շերեֆ խանը, որը մինչ այդ Պարսկաստանում ապրող քրդական ցեղերի «էմիրների էմիրն» էր, (էմիր-ալ-ումարա) և Շիրվանի մեծ մասի կառավարիչը¹⁸։

XVI դ. քուրդ հեղինակ Շերեֆ խան Բիթլիսցու վկայությամբ 1590 թ. գրավելով Նախիջևանի երկրամասը թուրքերը վարչական նոր փոփոխություններ չկատարեցին։ Օսմանյան տիրապետության կարճատև շրջանում՝ 1590-1603 թթ. երկրամասը կառավարում էր Խիզիր փաշան¹⁹։

Նախիջևանի երկրամասի կառավարումը 1603-1604 թթ. ընթացքում մի քանի անգամ ձեռքից ձեռք է անցնում։ Մինչև շահ Աբբաս I-ի արշավանքները երկրամասի կառավարիչ էր օսմանյան զորքերի հրամանատար Ալի փաշան։ 1603 թ.

¹³ Петрушевский И. Очерки по истории феодальных отношений в Азербайджане и Армении в XVI-начале XIX вв., Л., 1949, с. 36.

¹⁴ Նշվ. աշխ., էջ 104-126.

¹⁵ Մատենադարան, Կաթողիկոսական դիվան թղթ. N 1ա վավ. N 10:

¹⁶ Петрушевский И. նշվ. աշխ., էջ 132-133.

¹⁷ Կզլբաշ ցեղերը քոչվորական կյանք վարելու համար բաժանվեցին ավելի փոքր ցեղախմբերի և հողեր ստացան Պարսկական տիրապետության տարբեր մասերում։ 1576թ. ուստաջլուների ցեղախումբը բաժանվեց մի քանի փոքր ցեղերի, որոնց թվում էր քենգերլուների ցեղը (տե՛ս Петрушевский И., նշվ. աշխ., էջ 50.):

¹⁸ Шараф-хан Бидлис, Шараф-Наме, М., 1967, с. 280.

¹⁹ Նշվ. աշխ., էջ 291.

Նախիջևան քաղաքը գրավում է պարսից զորավար Ջիֆուդար խանը²⁰, սակայն 1604 թ. պարսից զորքերի նահանջից հետո օսմանյան զորքերի հրամանատար Ջոալ օղլի Սինան փաշան Նախիջևան քաղաքը հանձնում է իր զորավարներից մեկին՝ Օմար աղային: Որոշ ժամանակ անց շահ Աբբասը Նախիջևան է ուղարկում Ամիրգունա խանին: Վերջինս սպանում է Օմար աղային և ստանձնում երկրամասի կառավարումը²¹: Ամիրգունա խանից Նախիջևանի երկրամասի կառավարչի պաշտոնը անցավ Մաքսուդ-սուլթան քենգերլու ուստաջլուին, երան հաջորդում է որդին՝ Իմամ Ղուլի սուլթան քենգերլուն²²: Այնուհանդերձ նկատենք, որ երկրամասի կառավարչի պաշտոնը ժառանգական չէր, յուրաքանչյուր նոր քենգերլու կառավարչի շահը հաստատում էր հատուկ ֆերմանով, դեպքերը շատ էին, երբ կառավարիչները սպանվում կամ փոխարինվում էին նույն տոհմի մեկ այլ ներկայացուցչով: Երկրամասի կառավարումը քենգերլուների համար ժառանգական դարձավ միայն XVIII դ. կեսերին, երբ Պարսկական պետության կենտրոնական վարչական համակարգի կազմավորման արդյունքում ծայրագավառների կառավարիչները իրավունք ստացան իրենց պաշտոնը առանց շահական ֆերմանի փոխանցելու հորից որդուն:

Նախիջևանի երկրամասի հայկական բնակավայրերը XVI-XVIII դդ. Կառավարում էին հայ մելիքներն ու տանուտերերը, որոնց իշխանությունը ժառանգական էր և փոխանցվում էր հորից որդուն: Մատենադարանում պահվող ձեռագրերում հիշատակվում են մի քանի տասնյակ գյուղերի տանուտերերի ու մելիքների անուններ (ստորև մենք կնշենք նրանցից մի քանիսի անունները): Այսպես, Նախիջևանի խառն գյուղի տանուտերն էր Ոսկանը, Ճահուկինը՝ Յիսաանջան, Յոնայինը՝ Մեթաղեն, Ջուղայի մելիքն էր՝ Մելքոնը²³: Ջուղան կառավարվում էր նահապետական կառավարչաձևով, այսինքն՝ նահապետների կամ իշխանների ժողովով, որին նախագահում էր քաղաքագլուխը: 1604 թ. Ջուղայի քաղաքագլուխն էր անվանի խոջա՝ Խաչիկը²⁴: Հայառնոծ բնակավայրերը կառավարում էին մեկից ավելի մելիքները կամ տանուտերերը: 1665 թ. Ագուլիսի ու Դաշտ գյուղի մելիքներն էին Բադալիջ Շահնագարն ու Մանվելը: Նման իրավիճակը պահպանվեց նաև հետագայում: Այս մասին Ջաքարիա Ագուլեցիի գրում է. «Դարցեալ, այսմ ամի (1673 թ.) Աքուլաց մելիքն ք (2) էլա: Ջերայ ներքին թաղն Քրդունց Ալեքսանն ուզեցին, գետի ես կողմս, որ է Վերին թաղ, աքայ Ավին ուզեցին Ոսկանի տղայ. անունն Ովանես է, Օվին կասին: Այսպես ք (2) բաժանեցան, շատ աղմուկ լինել մեջն»: Խասս²⁵ հայտարարված Շոռոթ, Լեիրամ ու Աստապատ, գյուղերը նույնպես կառավարում էին հայ մելիքները²⁶:

Հայ կաթոլիկ համայնքները վարչականորեն ենթարկվում էին ոչ թե երկրամասի կառավարիչին, այլ Նախիջևանի կաթոլիկ եպիսկոպոսին և իրենցից գանձվող հարկերն ու տուրքերը վճարում էին Թավրիզում նստող Ատրպատական-

²⁰ Պատմություն Առաքել վարդապետի Դարիժեցույ, էջ 19-20:

²¹ Նույն տեղում, էջ 71-72:

²² Յուզակ հայերեն ձեռագրաց, Մխիթարեան մատենադարանին ի Վիեննա, հ. Բ, կազմեց՝ Հ. Ոսկեան, Վիեննա, 1963, էջ 857:

²³ Մատենադարան, ձեռագրեր՝ NN 8269, 604:

²⁴ Այիշան Ղ., Միսական, Վիեննա, 1893, էջ 424:

²⁵ Խասս հայտարարված գյուղը պարսից շահի սեփականությունն էր, որից ստացվող հարկերն ու տուրքերը ուղարկում էին արքունիք:

²⁶ Ջաքարիա Ագուլեցի, Օրագրություն, Եր., 1938, էջ 66, 78, 89, 119, 126:

նի կառավարչին²⁷: Կաթոլիկ բնակավայրերը ղեկավարում էին հայ տանուտերերը: Ապարաններ գյուղում 1653 թ. հունիսի 28 Հավատաստիքի ժողովին՝ Նախիջևանի երկրամասի կաթոլիկ հայերի գրած նամակի տակ ստորագրել էին Ապարանների տանուտեր Բաբաջանը, որը 20 տարի ղեկավարում էր այդ համայնքը, Ճահուկի՝ Եարագիզ և Խոշկաշենի՝ Մուրադ տանուտերերը²⁸:

Այսպիսով, Նախիջևանի երկրամասի հայկական բնակավայրերի ներհամայնքային գործերի կառավարումը հանձնված էր հայ մելիքներին ու տանուտերերին, բայց որպես սահմանամերձ երկրամաս՝ վերահսկողությունը տրամադրվել էր քենգերլու ցեղի ներկայացուցիչներին:

Նախիջևանի երկրամասը վարչական փոփոխությունների ենթարկվեց Նադիր շահի կառավարման ժամանակ: 1736թ. նրա հրամանով վերացվեց Թուման-ե Նախիջևան վարչամիավորը, և ձևավորվեց Նախիջևանի խանությունը²⁹, որի առաջին խանը Ռիզան էր³⁰:

Իր եղբայր Իբրահիմ խանին Նադիրը նշանակեց Ատրպատականի, Վրաստանի և Դաղստանի կառավարիչ, որին ենթարկվում էին նշված մարզերի բոլոր բեկլարբեկերը և հաքիմները³¹: Աբրահամ Կրետացին գրում է. «Յետ այնորիկ սկսան՝ ի փետրվարի Ժ (10) բաժանել զԽիլայս որ է խալաթ: Նախ եղբորն իրում, որ բովանդակ Ատրպատականի աշխարհի՝ որ է պարսկերեն Ատրպէճան, վերակացու և սխըռար արար՝ որ է Մարասքեր. զՆախջևան, զԵրևան և զբոլոր ես-հանգն Արարատեան, և զՎրաստան՝ ի նա յանձնեաց, որ է պէկլէր-պէկլի, իշխօղ և հրամանատու, և մեծ ի վերայ այլոց խաներաց»³²:

Ինչ վերաբերում է Նախիջևանի խանությանը, ապա այստեղ, ըստ Աբրահամ Կրետացու, ի տարբերություն այլ երկրամասերի՝ նշանակվեց երկու կառավարիչ: Առաջինը կոչվում էր «հաքիմ-ե օլթայե Նախջևան», իսկ երկրորդը՝ «հաքիմ-ե թումանե Նախջևան»: Առաջինը, որ նշանակվում էր քենգերլու ցեղից, Նադիրի օրոք Միրզա Ռեզան էր, իսկ երկրորդը՝ հենդակգործի հրամանատար նախքան Աղա Հասանը, որին Աբրահամ Կրետացին անվանում է խորասանցի և «այր բարեբարոյ. Խելոք, խոնհար և բարեմիտ»: Միրզա Ռեզան պետական հարկերը թաքցնելու համար հետագայում հեռացվեց պաշտոնից և պատժվեց, իսկ Նախիջևանի միանձնյա կառավարիչ մնաց Աղա Հասանը³³:

Օգտվելով Պարսկաստանում խորացող քաղաքական ճգնաժամից՝ XVIII դ. կեսերին Նախիջևանի երկրամասում իրենց ժառանգական գերիշխանությունը վերահաստատեցին քենգերլուները: Ժառանգական էր ոչ թե Նախիջևանի երկրամասը, այլ Նախիջևանի հաքիմի և նրա արքունիքում վարվող պաշտոններն ու քենգերլուների վաքիլի տիրույթը, որոնք շնորհվում էին շահի հատուկ ֆերմաններով: Նախիջևանի հաքիմը պարսկական արքունիքի հետ իր կապերը պահպանում էր հարկերով ու պատանդներով (հարկը հպատակության ապացույցն էր, իսկ պա-

²⁷ Chardin J., *op. cit.*, tom III, pp. 114-115.

²⁸ Հայաստանի պատմության նիւթեր Կենտրոնական Եւրոպայի դիւաններում (տե՛ս Կարապետյան Մ., *Նորահայտ փաստաթղթեր Նախիջևանի ԺԷ դարի առաջին կեսի պատմության վերաբերյալ*), Եր., 2001, էջ 63-65:

²⁹ Histoire de Tahmas Kouli-Kan, roi de Perse, nouvelle edition, Paris, 1743, p. 299.

³⁰ Աբրահամ Կաթողիկոսի Կրետացու Պատմագրութիւն Անցիցն Իրոց եւ Նատր-Շահին Պարսից, Վաղարշապատ, 1870, էջ 33:

³¹ Арутюнов М. Ашрафян К., *Государство Надир-Шаха Афшара, Москва, 1958, с. 111.*

³² Աբրահամ Կաթողիկոսի Կրետացու, էջ 57:

³³ Նույն տեղում, էջ 83-88:

տանդը՝ հեագանություն): Նկատենք, որ հաքիմի պաշտոնը և նույնիսկ ֆիզիկական ապահովությունը երաշխավորված չէր, ցանկացած պահի նրան կարող էին սպանել կամ գրկել իշխանությունից և յուրաքանչյուր նոր հաքիմ, գիտակցելով իր իշխանության ժամանակավոր բնույթը, փորձում էր հարստություն կուտակել՝ առիթ տալով բազմաթիվ չարաշահումների ու բռնությունների հայ բնակչության նկատմամբ: Հաքիմի պաշտոնյաները՝ բեկերը, ծառայության համար չէին վարձատրվում, նրանց էր մնում հավաքած հարկերի մի մասը և իրենց նվիրած գյուղերի ամբողջ եկամուտը: Բացի այդ, նրանց շնորհվում էին նաև ազատ հողատարածքներ, որտեղ բնակություն էին նաստատում բեկերին ազգակից քոչվոր ցեղերը³⁴: Հաքիմի բոլոր առանձնաշնորհումները իր պաշտոնյաներին արվում էր առանձին թալադա կամ թալիկե կոչված թղթերով³⁵: Այնուամենայնիվ, երկրամասի կարևոր պաշտոնյաներին նշանակում էր պարսից շահը՝ առանձին ֆերմաններով³⁶: Կառավարման այս համակարգը պահպանվեց մինչև 1828 թ. (Ռուսաստանի կողմից Նախիջևանի երկրամասի գրավվելը-Հ.Փ.):

Նախիջևանի երկրամասի հայկական բնակավայրերը կառավարվում էին հայ մելիքական տների ներկայացուցիչների կողմից: Այսպես, 1750 թ. Նախիջևան քաղաքի ու Աստապատի մելիքն էր Բալումը: Նրան հաջորդում են որդին՝ Նաչատուրը, և թոռը՝ Միքայելը, որի սերունդները XVIII դ. վերջերին տեղափոխվում ու հաստատվում են Թիֆլիսում³⁷:

1750 թ. Նախիջևանի հաքիմ Հեղարի դեմ պարսից շահին բողոք ներկայացնելու համար Թավրիզ մեկնած հայ մելիքներից Միքայել Չամչյանը նշում է շոռթեցի Ալեքսադր Աղամալյանին, շահկերտցի Հովհաննեսին, Մխիթարին և Ղազարին, Աստապատի մելիքներ Բարադամին և Պալումին, Աստապատի իշխան Կարապետ Մառուրյանին³⁸: 1765 թ. Հակոբ վարդապետին նվիրակություն ուղարկելով Նախիջևան՝ Միսեոն Երևանցին նրա միջոցով նամակներ է ուղարկում Նախիջևանի երկրամասի մելիքների անունով, առանց հիշատակելու մելիքներին պատկանող բնակավայրերը. «Լուիրակական կռեղակ. Ա Ռադամի սուրաթ, Դ Յանձնարարութիւնք առանց անուան: Եւ անուամբ ԺԱ թուղթ ես առ Մելիքսն, այսինքն՝ Պետրոսն, Անդրեասն, Բատալն, Ոսկանն և Պարոն Աղամիրգայն, Մաֆ-ռագն, Քոլին, Մարութայն, Վարդազարն, Մանուչարն, Յոհանն, և Ստեփանն: Գրեցաւ Կան՝ Դ թուղթք առ Քեալանթար Պետրոսն և Պարոն Աւետիքն և առ Քեարամ, Աղայ, և Նաչատուր տանուտեարն: Թ Թուղթք ես առ Պարոն Գալուստն և Դատին, Հարունն, Յոհանն, Մահտեսի Յարութիւնն և Պարոն Գրիգորն, Դաւիթն, Բուդախն, և Աբէլն»³⁹: Քերիմ խան Ջենդի հրամանով 1774 թ. Ազատ-Ջիրանի մահալի (Գողթն գավառ- Հ.Փ.) հայոց քալանթար է նշանակվում Վերին Ագուլիսի մելիք Աղամիրգայի ժառանգ մելիք Հարությունը⁴⁰: 1797 թ. փետրվարին Աղա Մուհամմադ շահի կողմից Ազատ-Ջիրանի մահալի քալանթար է հաստատվում մելիք Հարությունի

³⁴ Тбилисская коллекция персидских фирманов, т. II, с. 84-94.

³⁵ Иваненко В., Гражданское управление Закавказьем от присоединения Грузии до наместничества великого князя Михаила Николаевича, Тифлис, 1901, с. 138-139.

³⁶ Тбилисская коллекция персидских фирманов, т. II, с. 92-96.

³⁷ Լուրմայ գրական հանդես, գիրք Ա, Տիֆլիս, 1900, էջ 293-294:

³⁸ Պատմութիւն Հայոց ի սկզբանէ աշխարհի մինչև ցամ տէառն 1784, յօրինեալ ի Հայր Միքայել վարդապետէ Չամչյանց, հ. 9, Վենետիկ, 1786, էջ 835-848:

³⁹ Դիւան հայոց պատմութեան, գիրք 9, Միսեոն կաթողիկոսի Յիշատակարանը, հրատ. Գիւտ քահանա Աղանեանց, Թիֆլիս, 1894, էջ 321:

⁴⁰ Тбилисская коллекция персидских фирманов, т. II, с. 94-95.

որդին՝ Շմավոն բեկը, որին հանձնարարվում է հավաքել մահալի հայ զինակիրներին, դառնալ նրանց առաջնորդը, ապառնվել զինամթերքով և նրանց հասցնել կատարելության, որպեսզի շուտով՝ շահի Ղարաբաղ շարժվելու դեպքում, պատրաստ լինեն միանալու շահի ճամբարին⁴¹:

Այսպիսով, հայ բնակչության համար առանձնացված էին վարչական հատուկ պաշտոններ, որոնք կոչված էին կարգավորելու երկրամասի մահմեդական կառավարիչների հետ հայ բնակչության փոխարքայությունները: Այդպիսիք էին հայաձոճ բնակավայրերում մելիքի և քալանթարի պաշտոնները, որոնք, ժառանգական լինելուց բացի, կարևոր նշանակություն ունեին հայկական բնակավայրերում ներհամայնքային ու արտահամայնքային գործերի կառավարման մեջ:

Նախիջևանի երկրամասը 1790 թ. ենթարկվում է վարչատարածքային նոր ձևափոխման: Օրդուբադի շրջանը մեզ անհայտ պատճառներով անջատվում է Նախիջևանի երկրամասից և միացվում Թավրիզի փոխարքայությանը որպես ինքնուրույն վարչական միավոր (Նախիջևանի երկրամասը եւս մտնում էր Թավրիզի կամ Ատրպատականի փոխարքայության մեջ)⁴²: Ձևափոխումների ենթարկվեց նաև երկրամասի ներքին վարչատարածքային կառուցվածքը: Օրդուբադի շրջանը, որը նախկինում համապատասխանում էր Ագատ-Ջիրանի մահալիի տրանսվում էր հինգ փոքր վարչամիավորների՝ Օրդուբադի, Այլիի (Ագուլիս), Դաստիների, Չանանաբի, Բելիի, մահալների, ընդ որում, այս մահալները կառավարիչներ չունեին, մահմեդական գյուղերը ղեկավարում էին քյառխադանները, իսկ հայկական գյուղերը՝ մելիքները: Օրդուբադ և Այլի մահալները տարածվում էին նույնատուն գետերի ավազանում, Դաստիների մահալը Վանանդ, Չանանաբ և Բելիի մահալները՝ Ուստուկ ու Գեղան գետերի ավազաններում: Նախիջևանի երկրամասը բաժանվում էր չորս մահալների՝ Ալանջիկ (Երնջակ), Նախիջևան, Խոք և Դարալագյազ, այս մահալները նույնպես կառավարվում էին նույն սկզբունքով, ինչպես Օրդուբադի շրջանը: Ալանջիկի մահալը տարածվում էր Նախիջևանի երկրամասի արևելյան մասում՝ Երնջակ գետի ավազանի շրջանում: Արևմուտքից սահմանակից էր Նախիջևանի մահալին, արևելքից՝ Սյունյաց լեռնաշղթայի Դարդաղ լեռնաճյուղով բաժանվում էր Օրդուբադի շրջանից: Նախիջևանի մահալը փոխված էր Նախիջևան գետի միջին հոսանքի շրջանում, տարածվում էր Արաքս գետի ձախ ակից մինչև Սյունյաց լեռնաշղթան, իսկ արևելքից սահմանակից էր Ալանջիկի, հյուսիս-արևմուտքից Խոքի ու Դարալագյազի մահալներին: Խոքի մահալը արևելքում սահմանակից էր Նախիջևանի մահալին, արևմուտքում Արփա գետով սահմանագատվում էր Շարուրից, հյուսիսում Վայոց ձորի լեռներով բաժանվում էր Դարալագյազի մահալից, հարավային սահմանն անցնում էր Արաքս գետով: Դարալագյազի մահալը տարածվում էր Արփա գետի և նրա աջակողմյան վտակ Եղեգիսի վերին հոսանքում, հարավում Վայոց ձորի լեռներով սահմանակցում էր Խոքի մահալին, հյուսիս-արևելքում Սյունյաց լեռնաշղթայով՝ Ղարաբաղի խանությանը, արևմուտքից Վարդենիսի լեռնաշղթայով՝ Երևանի խանությանը: Դարալագյազի մահալը բաժանվում էր երկու արևելյան ու արևմտյան մասերի, որոնց սահմանաբաժան գիծը հյուսիսից հարավ անցնում էր Արփա գետի ակունքներից մինչև Արփա գյուղ⁴³: Վարչական այս բաժանումը անփոփոխ պահպանվեց մինչև 1828թ.:

Այսպիսով, XVIդ. սկզբների թուրքմենական քոչվոր ցեղերից ժառանգելով նրանց վարչական համակարգը՝ սեփյանները Նախիջևանում վարչական նոր փո-

⁴¹ Тбилисская коллекция персидских фирманов, т. II, с.108.

⁴² Иваницко В. նշվ. աշխ., էջ 240.

⁴³ Մատենադարան, Կաթողիկոսական դիվան, թղթ. N 1 գ, վավ. 513:

փոխություններ չկատարեցին: XVIII դ. վերջերին Նախիջևանի երկրամասը վարչական սահմանները որոշ փոփոխություններ կրեցին: Դա վերաբերում է հատկապես 1790 թ. վարչական ձևափոխմանը, երբ Օրդուբադի շրջանը անջատվեց Երկրամասից և դարձավ Ատրպատականի վիլայեթին ենթակա շրջան: Նախիջևանը, լինելով սահմանամերձ երկրամաս, հանձնված էր քենգերլուների քոչվոր ցեղախմբի ավագանու կառավարմանը: Միաժամանակ մեծաթիվ հայ բնակչություն ունեցող բնակավայրերը շարունակում էին կառավարվել մելիքական տների կողմից: Այնինչայտ է, որ պարսից շահերի համար մելիքական տների գոյությունը հակազդիս էր երկրամասում բնակչության հաստատած քենգերլուների ցեղախմբի առաջնորդներին, որոնք անընդհատ ձգտում էին անջատվել կենտրոնական իշխանությունից և դառնալ ինքնուրույն:

НАХИЧЕВАНСКАЯ ПРОВИНЦИЯ В АДМИНИСТРАТИВНОЙ СИСТЕМЕ ПЕРСИИ (XVI-XVIII вв.)

___ Резюме ___

___ Г. Паносян ___

В начале XVI века сефевиды, наследуя административную систему туркменских кочующих племен, не произвели никаких административных изменений. Нахичеванская провинция имела более большую административную границу, чем "Ашхараууд"-ян гавар Нахиджевана. Нахичеванская провинция включала Мец Айк, губернию Васпуракана, гавары Нахиджеван и Гохти, гавары Вайоц Дзор, Чаук, Ерджак и Цхук Сюникской губернии. Нахиджеван был пограничной провинцией и оставался под властью кочующих племен-кенгерли, под управлением их вождей. Племя кенгерли было одним из кочующих туркменских племен, у которых не было постоянного местожительства и они вели кочующий образ жизни. После утверждения персидских владений в Восточной Армении их вожди с кочующими племенами обосновались в Нахиджеване и стали управлять провинцией. Из вождей этих племен и верных служителей персидского двора были выбраны губернаторы, акимы, султаны и, как верные служители персидского двора, получали вознаграждение.

Армянской общиной управляли дома меликов. Для армянского населения было разработано специальное административное положение, которое определяло соотношение жителей и местных служащих. Согласно данному положению, мелики и калантары были не только наследственными, но и они имели важную роль в управлении армянской общиной.

Տեղեկություններ հեղինակի մասին

Փանոսյան Հրաչյա Երանի - ՀՀ ԳԱԱ Պատմության ինստիտուտի
հայրերը. Email: hrach-84@list.ru